

21. Jaqinakana utanaka utachasiñakapataki ukata kunaymana luratanaka yächañataki

Perú marka pachana taqi kunsá wali khusa lurasawa nayraru sartayasini, ukampinsa juk'ampi kuna utachasiñanakawa lurasina amtasiraki, uka pachparakiwa nayraru k'achata k'achata sartañataki sapa mayni ayllunakana suma uñaqkaña jakaña jakxatañanakasa aruskipatarakiwa, ukhama khuskhawa taqi markanakana phuqasiskani. Estado taypinkiri mayacht'äwinakana lurtäwinakapa, amuynuqaña sipansa, lursuña sipansa, uñt'ayaña sipansa, askichaña ukata apnaqañana sipansa, suma uka yatiñanaka jani Estado taypinkiri yaqha mayachäwinakaru katxaruyasiskarakini.

Uka taqi chiqanakana utjasiri jaqinaka mayacht'asiñanakapataki jach'a amtäwi phuqaña laykuxa Estado taypita:

(a) Taqi jaqi chiqapankañanakapatakisa wakisiri amtäwinakawa arkasiskarakini, ukana jach'a thakinaka lurañanakawa ch'amanchasiskarakini, ukhamata lamara quta chiqanakarusa jach'a wampunaka puriñanakawa lurasiskarakini, uka pachparakiwa avión puriñanakapatakisa aeropuerto lurañanakawa phuqataskarakini, teléfono yänaka taypita aruskipt'asinakatakisa walja utanakawa uñstayasiskarakini.

(h) Empresa privada sutinchata mayachäwinaka taypita yanapt'äwinakaxa thaqasiskarakini, ukhamata uka qullaña utanaka, yatiña utanaka, q'uma utjasiñataki yänaka, uma irpanaka ukata uma jark'xasiñanaka luräwinakasa uñstayasirakini.

(i) Corredor turístico sutinchata mayachäwinaka taypita jilpacha qullqi jalaqayañataki anqäxa markanakaru Perú suyunaka markanakapana lurata yänaka alxañanakawa

ch'amanchasiskarakini, ukhamata Perú markampi maya qurpata jalata yaqha markanakampi alxañanaka tuqita mayachäwinakaw utt'ayataskarakini.

(k) Taqi chiqa markanakansa pachpa jaqinakana ch'amampi yanapt'äwinakapampiwa taqi kuna utanakasa wali suma uñanuqt'asisa utachnuqataskarakiniwa. Uka taqi jaqina utaniñanakapataki jach'a amtäwi phuqaña laykuxa Estado taypita:

(l) Uta utachañanaka jani sinti ch'ama tukuña laykuxa uka Plan Nacional de Vivienda sutincha amtäwirjama irnaqäwinakaxa arkasiskarakini, ukhamata taqisa kunaymana utanaka, k'ata sipansa, jisk'a qullqimpi sipansa, ina ch'usata uñkatapxarakini.

(ll) Empresa privada sutinchata mayachäwinakampi ukata Estado taypinkiri mayachäwinakampiwa suma arusthapisa uta utachäwinakaxa juk'a qullqimpi saythaprayatarakini, ukhamata uka taypinakana qullqimpi yanapt'asiwina, utachaña thakiru irptañanaka ukanakaxa suma uñanuqt'ataskarakiniwa. (m) Walja utanaka machaqa yänakampi utachañanakasa k'ata saythapiyaña yatiñanakampiwa aptasiskarakini, ukanakasti wali khusatsa wali munkaña khusa utachatapuniniwa.

(n) Suma utanaka lurañatakixa machaqa yatiñanakawa uta utachiri jaqinakarü yatichasiskarakini, ukhamata taqi jaqisa injama utanakapsa uñkatapxarakini.

(ñ) Uta utachañanakana jani atiya yanapt'asirinakawa suma uñt'ataskarakiniwa.

(p) Suma chiqapa kamachinaka taypita wakicht'atawa taqi chiqana utanakasa utachasiskarakini, ukhamata jani qullqini jaqinakasa utanakapa tuqita qillqata laphinaka katuqasipxarakini.

(q) Sapa mayni markachirinakana ch'amapampi qullqipampi uta utachatanakasa wali khusa utachatañaparakiwa.